

Að gera að manni

GÓÐ menntun er undirstaða velmegunar og ein helsta auðlind framtíðarinnar. Í menntuninni er vaxtarbroddur framfara og nýsköpunar. Því er áriðandi að auðlindin sé ekki vanrækt heldur treyst til hins ýtrasta. Þannig er sá grunnur tryggður sem samfélagið byggir á. Fagrar yfirlýsingar duga skammt, hugur þarf að fylgja máli.

Menntun í öndvegi **Bryndís Guðmundsdóttir**

Kvennalistinn vill að menntun verði forgangsmál í íslensku samfélagi og bera fjölmög þingmál Kvennalistans því glöggt vitni. Móta þarf heildstæða menntastefnu sem nær til allra skólastiga. Fjölgja þarf námsleiðum með þarfir beggja kynja í huga. Stórauka þarf vægi skapandi hugsunar, starfs- og verkmenntunar sem og þeirra námsgreina sem nýtast undirstöðugreinum atvinnulífsins.

Menntastofnanir ná ekki að blómstra og skila árangri ef þær búa við stöðugan niðurskurð og fjárvelti. Með því móti grófum við undan eigin framtíð. Sem menningarbjóð ber okkur skylda til að að veita auknu fjármagni til skóla svo unnt sé að reka metnaðarfullar stofnanir sem veita þá bestu menntun sem völ er á.

Skólam landsins, frá leikskóla til háskóla, er falin umsjá og menntun þess dýrmætasta sem við eignum. Því má ekkert til spara svo hlúa megi að þessum vaxtarprotum og rækja uppeldis- og menntunarhlutverkið með sóma.

Jafnrétti til náms

Kvennalistinn vill tryggja jafn-



rétti til náms. Núgildandi reglur Lánaþjóðs íslenskra námsmanna eru t.d. síður en svo til þess fallnar. Það er óviðunandi að námsmenn þurfi að taka bankalán með háum vöxtum sér til framfærslu, meðan beðið er eftir námsláni. Nær væri að koma á mánaðarlegum útgreiðslum lána auk þess sem endurgreiðslur þurfa að vera viðráðanlegar. Strangar kröfur sjóðsins um námsframvindu mismuna nemendum, jafnvel eftir kyni og koma verst við einstæð foreldri og námsfólk af landsbyggðinni, auk þess sem kröfurnar eru í raun stýrandi varðandi námsval. Kvennalistinn leggur áherslu á eflingu fjarnáms svo búseta og

Menntun er forgangs-mál Kvennalistans, seg-ir Bryndís Guðmunds-dóttir, sem og jafnrétti til náms. Fjölgja þarf námsgreinum, sem nýtast undirstöðugrein-um lífsins.

persónulegir hagir hindri síður aðgang að námi og hefur einn þingflokka flutt frumvarp um fjarnám ríkisins.

Bætt kjör kennara

Kvennalistinn vill að kjör kennara verði stórbætt og starfsskil-

yrði öll í samræmi við þær kröfur sem gerðar eru.

Ör samfélagspróun hefur breytt hlutverki skóla mjög hin síðari ár. Kröfur eru aðrar og meiri og fara sít minnkandi. Auk bekkingarmiðlunar þurfa kennarar að sinna uppeldis- og ráðgjafarhlutverki í ríkara mæli en áður. Vandi þjóðfélagsins, atvinnuleysi og upplausn heimila valda meira álagi, auk þess sem vandamál nemenda og heimila eru nú mun alvarlegri og um leið erfiðari viðfangs. Það er því ekki ósanngjörn krafra að laun kennara og starfs-skilyrði taki mið af þessum breyttu aðstæðum.

Mjög brýnt er að öll sérfræði-bjónusta skólanna verði efl og markvisst unnið á fyrirbyggjandi hátt svo koma megi í veg fyrir alvarleg skipbrot nemenda, sem í dag eru því miður alltof tið.

Úrvalsfólk

Það dylst engum sem komið hefur nærrí skólastarfi hve ábyrgðarmikið, vandasamt og krefjandi starf kennarans er. Skólar verða að geta laðað til starfa úrvalsfólk, en það gerist ekki með því að bjóða kennarastéttinni þau smánarkjör, sem hún býr við í dag. Er skýringa e.t.v. að leita í því að hér er um að ræða fjölmenna kvennastétt? Nýleg könnun á launamismun kvenna og karla á Íslandi sýnir ótvírett að svo er. Það er með ólíkendum hve takmarkaðan skilning þeir sem fjármagninu ráða hafa á vanda skólastarfs og hve lítinn vilja þeir virðast hafa til lausnar.

Menntun felur í sér, að „gera að manni“. Vel menntaðir, heilbrigðir og hamingjasamir einstaklingar eru líklegir til góðra verka, samfélagi, menningu og bjóð til heilla. Það ætti því að vera æðsta markmið menntastofnana að skila af sér slíku fólk. Skólar verða þá að vera færir um að mennta í bestu merkingu þess orðs. Til þess þarf ánægt og hæft fólk og aukið fjármagn. Fámennt bjóð hefur ekki efni á að menntun misfarist.

Höfundur skipar 2. sæti á framboðslista Kvennalistans í Reykjaneskjördæmi.